

**1991 nr. 46 25. mars****Lög um búfjárhald<sup>1)</sup>**<sup>1)</sup> Rg. 263/1991 og 251/1995.**I. kafli. Markmið og yfirstjórn.**

■ **1. gr.** Tilgangur laga þessara er að tryggja svo sem föng eru á góða meðferð og aðbúnað búfjár í samræmi við þarfir og að það hafi ætlið nægilegt fóður og drykk.

□ Tilgangur laganna er einnig að tryggja að við framleiðslu búfjárafurða sé eingöngu notaðhraust og heilbrigjt búfé.

■ **2. gr.** Landbúnaðarráðherra hefur á hendi yfirstjórn þeirra málá er lúta að meðferð búfjár og eftirliti með búfjárhaldi sem kveðið er á um í lögum þessum.

□ Með búfé er í lögum þessum átt við alifugla, geitur, hross, kanínur, loðdýr, nautgripi, sauðfé og svín. Auk þess önnur dýr sem haldin verða til nytja. Rísi ágreiningur um hvað falla skuli undir hugtakið búfé sker landbúnaðarráðherra úr þeim ágreiningi.

□ Með vörslu búfjár er í lögum þessum átt við að búfjáreigandi haldi því búfé, sem varslan tekur til, innan ákvæðins afmarkaðs svæðis, en með lausagöngu búfjár að búfé geti gengið á annars manns land í óleyfi.

**II. kafli. Takmörkun búfjárhalds.**

■ **3. gr.** Sveitarstjórn er heimilt að setja samþykkt um búfjárhald. Landbúnaðarráðherra staðfestir slíka samþykkt að fenginni umsögn [Bændasamtaka Íslands].<sup>1)</sup>

<sup>1)</sup> L. 73/1996, 25. gr.

■ **4. gr.** Í samþykktum sveitarstjórnar um búfjárhald má ákveða að tiltekið búfjárhald sé með öllu bannað í viðkomandi sveitarfélagi eða takmarkað við tiltekin svæði innan sveitarfélagsins. Í samþykktunum geta einnig verið ákvæði sem takmarka fjölda búfjár af hverri búfjártengund og fjölda búfjár einstakra búfjáreigenda. Ef búfjáreigandi verður fyrir atvinnutjóni vegna banss eða takmarkana á búfjárhaldi þannig að bótum varði skal greiða bætur úr sveitarsjóði.

□ Í samþykktunum má kveða á um að búfjárhald sé óheimilt án leyfis þar sem takmarka má fjölda búfjár hvers aðila. Slík leyfi skulu vera tímabundin og afturkallanleg með tilteknum fyrirvara.

□ Samþykktir skulu kveða á um að búfjáreigandi uppfylli skilyrði um aðstöðu fyrir bústofn sinn, fóðrun hans, vörslu og meðferð, sem og meðferð alls úrgangs sem fellur til.

**III. kafli. Varsla búfjár.**

■ **5. gr.** Sveitarstjórn, einni eða fleiri samliggjandi sveitarfélaga, er heimilt, til að koma í veg fyrir ágang búfjár, að ákveða að eigendum búfjár sé skyld að hafa það í vörslu allt árið eða tiltekkinn hluta ársins.

□ Heimild þessi getur jafnt tekið til alls umdæmis viðkomandi sveitarstjórnar eða afmarkaðs hluta þess, svo sem umhverfis þéttbylli eða fjölfarna vegi.

□ Landbúnaðarráðherra setur með reglugerð almenn ákvæði um vörslu búfjár af hverri tegund þar sem einnig skal kveðið á um almennar reglur um framkvæmd þeirrar vörslu.

■ **6. gr.** Graðopeningi skal haldið í öruggri vörslu sem hér segir:

1. Naut, 6 mánaða og eldri, allt árið.

2. Hrútar og hafrar á tímabilinu frá 1. nóvember til 1. maí ár hvert.

3. Graðhestar eða laungraðir hestar, 16 mánaða og eldri, allt árið. Óski hrossaræktarsamband og/eða sveitarstjórn eftir

því getur ráðherra heimilað að færa aldursmörk að 12 mánaða aldri á viðkomandi svæði.

4. Aðrar búfjártengundir en að framan greinir, allt árið.

□ Sveitarstjórn skal hlutast til um að graðopeningur, sem ekki er í öruggri vörslu, sé handsamaður og afhentur hreppstjóra. Eigandi getur leyst til sín viðkomandi grip með greiðslu á áföllnum kostnaði. Við ítrekað brot skal graðhestur seldur [við nauðungarsölu án undangenginnar áskorunar til eiganda, en öðrum gripum slátrað og sölu-]<sup>1)</sup> eða frálagsverð látið mæta áföllnum kostnaði.

<sup>1)</sup> L. 90/1991, 91. gr.**IV. kafli. Aðbúnaður og meðferð búfjár.**

■ **7. gr.** Landbúnaðarráðherra er rétt að gefa út reglugerðir<sup>1)</sup> fyrir einstakar búfjártengundir þar sem nánar er kveðið á um atriði er lúta að aðbúnaði og meðferð gripa, gripahúsa, þar með talin ákvæði um innréttningar, rýmisþörf gripa, loftræstingu, birtu í húsi, fóðurgeymslur og fóðurútbúnað, svo og ákvæði um umhirðu gripa og eftirlit, skráningu á vanhöldum og heilbrigði búfjár og eftirlit með gripum sem ganga úti hluta ársins. Jafnframt er í reglugerð heimilt að kveða á um kröfur til reynslu og þekkingar þeirra sem búfé halda eða hirða.

□ Eftirlit með framkvæmd reglugerða samkvæmt fyrri málsgrein skal falið búfjáreflirtili, sbr. 9. gr.

<sup>1)</sup> Rg. 671/1997.

■ **8. gr.** Landbúnaðarráðuneytið skal beita sér fyrir því í samvinnu við [Bændasamtök Íslands],<sup>1)</sup> viðkomandi búgreinafélag, yfirdýralækní og dýraverndarnefnd að fyrir hverja búfjártengund verði gefnar út leiðbeinandi reglur um sem flesta þetti er lúta að fóðrun, aðbúnaði, meðferð og heilbrigði búfjár af viðkomandi tegund. Tryggt skal að slíkar reglur séu endurskoðaðar reglulega í samræmi við bestu þekkingu á hverjum tíma.

<sup>1)</sup> L. 73/1996, 25. gr.**V. kafli. Um forðagæslu, eftirlit og talningu búfjár.**

■ **9. gr.** Í hverju sveitarfélagi skal vera búfjáreflirlitsmaður, einni eða fleiri, sem hafi eftirlit með ásetningi búfjár, fóðrun og hirðingu. Sveitarstjórn ræður þá til starfa til fjögurra ára að loknum sveitarstjórnarkosningum hverju sinni. Til starfsins skal velja menn sem hafa haldgóða reynslu og þekkingu í fóðrun og meðferð búfjár. Heimilt er fyrir fleiri en eitt sveitarfélag að ráða sameiginlega búfjáreflirlitsmann (menn).

□ Búnaðarsambond hafa á hendi umsjón með búfjáreflirliti hvert á sínu svæði. Ráðunautur viðkomandi búnaðarsambands annast slíkt eftirlit eða aðili sem það tilnefnir. Skulu búfjáreflirlitsmenn á svæðinu leita úrskurðar hans í vafaatridum um framkvæmd eftirlits.

□ Eftirlit vegna ákvæða reglugerða skv. 7. gr. skal framkvæmt af búfjáreflirliti samkvæmt þessari grein.

□ Leita skal til heraðsdýralækna um eftirlit með þeim þáttum er snerta heilbrigði búfjár og tryggja hollustu afurða þess.

■ **10. gr.** Búfjáreflirlitsmanni er skyld að fara minnst tvær ferðir um umdæmi sitt á hverjum vetri til eftirlits með fóðrun og ásetningi búfjár. Skal fyrri ferðinni lokið fyrir 1. desember og hinni síðari fyrir lok aprílmánaðar. Skal hann sannreyna tölur um fjölda ásetts búfjár og líta eftir húsakostí þess, fóðrun og hirðingu. Ákvæði reglugerða skv. 7. gr. geta samt mælt fyrir um aðrar dagsetningar fyrir skráningu á fjöldu búfjár af einstökum tegundum. Búfjáreflirlitsmaður skal skrá magn, tegundir, gæði og geymslúaðstöðu alls fóðurs hjá hverjum búfjáreiganda og einnig áform hans um fóðuröflun.

Jafnframt skulu gróffóðurbirgðir mældar og skráðar. Búfjáreftirlitsmaður skal einnig fylgjast með beitilandi í byggð á starfssvæði sínu.

□ Þar sem gripir eru í hagagöngu skal eigandi ætíð tilgreina aðila innan viðkomandi sveitarfélags, samþykktan af sveitarstjórn, sem er ábyrgur fyrir eftirliti og umsjá með þeim gripum.

□ Niðurstöður hausteftirlits um fjölda búfjárfjöldar, fyrningar og fóðurþörf skrár búfjáreftirlitsmaður á eyðublað sem [Bændasamtök Íslands]<sup>1)</sup> láta í té ásamt reglum um framkvæmd forðagæslu. Skýrslu þessa skal senda [Bændasamtökum Íslands]<sup>1)</sup> strax að lokinni haustskoðun. [Bændasamtök Íslands]<sup>1)</sup> annast úrvinnslu á niðurstöðum um búfjárfjöldar og fóðurforða og hefur yfirstjórn með framkvæmd forðagæslu. Upplýsingar úr skýrslum þessum skulu vera heimilar til afnota Framleiðsluráði landbúnaðarins, Hagstofu Íslands, Hagbjónustu landbúnaðarins og öðrum opinberum aðilum að fengnu leyfi landbúnaðarráðuneytisins.

□ Leiki rökstuddur grunur á að talningu búfjár hafi verið ábótavant er landbúnaðarráðherra heimilt að ákveða sérstaka talningu búfjár.

<sup>1)</sup> L. 73/1996, 25. gr.

■ **11. gr.** Þegar að lokinni skoðun skal búfjáreftirlitsmaður bera niðurstöður sínar undir eftirlitsmann búnaðarsambands. Komi í ljós að búfjáreiganda skorti hús, fóður eða beit fyrir fénað sinn, vanföðri hann eða vanhirði skal búfjáreftirlitsmaður tilkynna það sveitarstjórn þegar í stað. Er þá sveitarstjórn skylt að vara þann er hlut á að máli þegar við og gefa honum einnar viku frest til úrbóta. Hafi honum að þeim tíma liðnum ekki tekist að gera þær ráðstafanir sem sveitarstjórn og eftirlitsmaður búnaðarsambands telja fullnægjandi ber sveitarstjórn að útvega honum fóður, hlutast til um fóðrun og umhirðu eða ráðstafa fénaði hans til fóðrunar.

□ Sveitarstjórn eða búfjáreftirlitsmaður í umboði hennar eða aðrir, sem telja meðferð á skepnum brjóta í bága við gildandi

lög eða reglur, skulu leita til héraðsdýralæknis. Héraðsdýrlæknir skal þá í samráði við yfirdýralækni og innan tveggja sólarhringa meta ástand skepnanna og aðstæður á staðnum í samráði við eða ásamt trúnaðarmanni búnaðarsambands og gefa búfjáreiganda fyrirmæli um ráðstafanir telji þeir það nauðsynlegt. Þar skal veita mest einnar viku frest til úrbóta.

□ Vilji búfjáreigandi eigi hlíta ráðstöfunum búfjáreftirlitsmanns, sveitarstjórnar, trúnaðarmanns búnaðarsambands eða héraðsdýralæknis, eða hefur þær að engu, og fénaður hans líður sakir fóðurskorts, hirðuleysis eða harðyðgi að álití tveggja eða fleiri þessara aðila er skylt að tilkynna löggreglustjóra það skriflega innan tveggja daga ásamt öllum málavöxtum. Skal hann þá innan viku sjá um að úrbætur fáist í samræmi við dýraverndarlög en búfénu lógað að höfðu samráði við yfirdýralækni ef ekki er annarra kosta völk.

□ Búfjáreigandi, er hlut á að máli, ber allan kostnað af þessum ráðstöfunum.

■ **12. gr.** Búfjáreftirlitsmaður skal launaður af sveitarstjóði.

□ Sveitarfélögum, þar sem búfjárhald er óheimilt án leyfis, sbr. 2. mgr. 4. gr., er heimilt að innheimta leyfisgjald til að standa undir kostnaði við framkvæmd forðagæslu og búfjáreftirlits, sbr. 9. gr. Skiptist það í grunngjald og gjald fyrir fjölda búfjár hvers eiganda. Gjald þetta skal þó ekki lagt á búfjáreigendur sem halda búfé á lögbýli og eiga þar lögheimili.

□ Landbúnaðarráðherra skal gefa út gjaldskrá fyrir leyfisgjöld skv. 2. mgr. og birta í Stjórnartíðindum.

## VI. kafli. Ýmis ákvæði.

■ **13. gr.** Brot gegn lögum þessum eða reglugerðum og samþykktum, sem settar verða samkvæmt þeim, varða sektum eða fangelsi ef miklar sakir eru. Hafi búfjáreigandi gerst sekur um illa meðferð á skepnum skal hann svíptur leyfi til að eiga eða halda búfé. Með mál út af brotum skal farið að hætti opinberra málá.

■ **14. gr.** Lög þessi öðlast þegar gildi. . . .